

Silaannakkut angallannerup iluani akuutissanut atortussianullu (kemiskiusunut) annertussusissamut killitigitaq pillugu nalunaarummut missingiuut¹

Silaannakkut angallannermut inatsimmi § 40 g aamma § 149, imm. 10 allassimasut naapertorlugit, tak. Inatsimmut atatillugu nalunaarut nr. 118, 31. januar 2024-imeersoq aamma silaannakkut angallassineermut inatsimmut atatillugu peqqussut Savalimmiunut atuuttussanngortinneqartoq, tak. peqqussummut atatillugu nalunaarut nr. 141, 6. februar 2024-imeersoq, aamma silaannakkut angallannermut atatillugu § 40 g, imm. 1 aamma 2 aammalu 149, imm. 10 Kalaallit Nunaannut tunngasoq, tak. Inatsimmut atatillugu nalunaarut nr. 76, 24. januar 2024, § 6, imm. 1 nalunaarut nr 1625, 12. december 2023, § 6, imm. 1 tunngatillugu akuersissutigineqartoq, tassani pineqarlutik Angallannermut aqutsisoqarfiup suliassai, maallarfiusinnaasut Aqutsisoqarfimmullu malitassiat ilai pillugit ilisarititsissutit, aammalu Savalimmiunut tunngasoq silaannakkut angallannermut atatillugu Angallannermut aqutsisoqarfiup suliassaanut, akuerisaanerinit maalaarfissannullu tunngatillugu nalunaarut nr. 1619, 8. december 2023 aqutugalugu maleruagassiaasut:

Kapitali 1

Atuutsitsivissat

§ 1. Peqqussut una atuuttussaataivoq Qallunaat Nunaanni silaannakkut angallassissutini, immineq silaannakkut angallassissutini sulisututut ilasunut sulisitsisuusunullu.

Imm. 2. Nalunaarutip uuma iluani pineqarput atortussianik akuutissanillu qanorluunniit ittumik suliaqartut, tamatumani aamma pineqarlutik taamaattunik sanaartornerit/pinngortisinerit, atuinerit qanorlu aqutsinerit kiisalu ilaallutittaaq suliffiusumi taaneqartut aqutugalugit navialisitsisaannermut tunngasut.

Taaguutsit oqaatsillu atukkat nassuiarneri

§ 2. Nalunaarummi matumani pineqartut imatut paasineqassapput:

1) Mingutsitsinermi akunnerit 8-t iluini sunniutaasinnaanernut killiliussat: Suliffiusumi agguaqatigiissillugu silaannarmi akuutissat atortussiallu anersaatornermi qanoq annertuginissaannut killiliussat, aallaavigalugit ullormi akunnerit 8-t sulinerit, uuttuinikkut missingiuusiornikkulluunniit annertussusiliussat.

2) Akuutissap piffissami sivikitsumi annertussusia: silaannarmi sullivimmi anersaatornikkut atorpeqartup iluani akuutissat agguaqatigiissillugu silaannarmut akiliussuuttut annertutiginnaaneranut killiliussat, aallaavigalugit minutsit 15-it iluini anersaatornikkut "iiorarneqarsinnaasut", allatut uuttuineri tunngavissamik aallaveqartoqanngippat.

¹ Nalunaarut aaliangersakkanik imaqarpoq, tassani tunngaviulluni sulisut biologiskiusunik sulinerminni sunnerneqarsinnaanerannut illersorneqarnissaat EU-mi parlamentimit Siunnersuisoqatigiisuniillu peqqussut 2000/54/EF, 18. september 2000-imeersoq (immikkut peqqussusiaasut arfineq aapparisaat artikel 16. imm. 1, peqqussut 89/391(EØF) naapertorlugu, aamma EF-tidende 2000, nr. L 262, qupp. 21, allanngortinneqartoq atorlugit Kommissionimit peqqussut (EU) 2019/1833, 24. oktober 2019-imeersoq, EF-tidende 2019, nr. L 279, qupp. 54 aammalu Kommissionip peqqussutaa 2020/739, 3. juni 2020-meersoq, EF-tidende 2020, nr. L 175, qupp. 11

Akuutissap atorpeqartup sullivimmi anersaartornikkut piffissap aaliangersimasup iluani isertinneqarsinnaasumut, allamik tunngavissamik aaliangiisoqarsimangippat, 15 minutsimik tunngaveqartumik uuttuisarnej aallaavigalugu, killiligaaq.

3) Akuutissap qummut killissaa: Killissatut aaliangiussaq akuutissamut atorpeqartumut atatillugu qaqugukkulluunniit qaangeqqusaanngilaq.

4) Akuutissap atorpeqartup biologiskiusumik qummut killinga: Inuit ataasiakkaat aamminni quuminnilu akuutissamik akoqarnerat.

5) Nalinik katiineq: Silaannarmi akuutissat akuusut arlaliutillugit kisitseriaaseq pilersissimasaq tunngavigalugu annertussutisimik naliliineq.

§ 3. Nalunaarummut ilanngussami pineqarput sulliviit avatangiisaanni akuutissanut atorussianullu atatillugu qummut killiliussat².

Kapitali 2

Aaliangersakkat immikkut ittut

§ 4. Silaannakkut angallassissutini sulisunut sulisitsisuusunullu atatillugu suliffiusunut malittarisassiasut, ilanngullugit akuutissanit atorussianiillu pisariaqanngitsumik sunnerneqarsinnaanermut sammisut, malittarisassamut pineqartumut tapertaliunneqartut.

§ 5. Ilangussani silaannarmik mingutsisisinnaanermut biologiskiusunullu killiliussat, pinngotsooratik malinneqassapput.

Imm. 2. Ilangussani akuutissat sivikitsumik sunniisinnaanernumut qaffasinnerpaaffissamilluunniit naliliissutinik ilanngussivigineqarsimangitsuni, tunngavigineqassaaq akunnerit 8-at iluanni sunniutaasinnaasut marloriaataat.

Imm. 3. Silaannarmi akuutissat atorussiallu arlaqartut ataatsikkut piuppata, taava pineqartut imminnut sunniuteqarsinnaanerat naatsorsuineri ilaassaaq, killissatut killiliussaq nali 1-imit qaffasinneroqqusaanngimmat.

Imm. 4. Akuutissanut amikkut isersinnaasunut ilanngussani "H"-mik mianersoqqussusigaasunut atatillugu tamanna ataasiakkaat isumannaassutsikkut peqqissutsikkullu eqqugaanissamut navialisinnaanernannik nalilersuineri ilaatinneqassaaq.

Kapitali 3

Pineqaatissiisnaaneq

§ 6. Sulisitsisoq § 5-imik unioqquutsisoq akiliinissamik pineqaatissinneqarsinnaavoq.

Imm. 2. Sulisitsisoq § 5-imik unioqquutsisoq akiliisussanngortinneqarsinnaavoq, pisoq piaarinikkut piarinaatsoornikkulluunniit pinersooq apequtaatinnagu. Akiliisussanngortitsineri tunngaviussaaq naliliinissami uppersaatissatut takunnissinnaanissaq, unioqquutsineq suliffeqarfimmit suliffeqarfimmiluunniit sulisuusooq sulisuusulluunniit pilersinneqarsimasoq. Akiliisussanngortitsinerimik pineqaatissiineq allatut pineqaatissiisusiinermut allanngortinneqarsinnaanngilaq.

Imm. 3. Ingerlatsivik il.il. (inuit inatsisit malillugit piusut) tunngavigalugit silaannakkut angallassinermut inatsit § 149, stk. 14 naapertorlugu pineqaatissiinermut inatsimmi kapitalit 5-ianni malittarisassat malillugit akiliinissamik pineqaatissiisoqarsinnaavoq.

Kapitali 4

Atuutsitilernissaq

² Suliffiusut iluini akuutissat atorussiallu (kemiske agenser) annertussusissaannut killiliussat kingusinnerusuklut allannguutillit pillugit nalunaarut nr. 202, 21. februar 2023.

§ 7. Nalunaarut atuutilissaaq ulloq XXX

Imm. 2. Silaannakut angallannermut akuutissat atortussiallu pillugit Nalunaarut nr. 670, 31. maj 2018-imeersoq atorunnaarpoq.

Angallannermut aqutsisoqarfik ulloq XX 2016

Pisortap aqqa

/ Allaffimmi pisortaq
